

## **Kommunimut pilersaarummut tapiliussap 3E5-4-p, Nuuk Airport, inaarutaasumik akuersissutigineqarnera**

Aalajangiiffigisassaq

J.nr.: ANL-2020-00003

Sanarfinermut Avatangiisinullu Ingerlatsivik – Pisortaq Hans Henrik Winther Johannsen / HHWJ

### **Suliassamik eqikkaaneq**

Kommunimut pilersaarummut tapiliussaq sapaatip-akunnerini arfineq-pingasuni tamanut tusarniaassutigineqareerpoq. Tusarniaassutiginerata kingorna akissutit tallimaasut tiguneqarput taakkulu oqaaseqatigiinnik minnerusunik allannguuteqartitsinermik kinguneqarput. Taakkua llanngussaq 1-imiipput.

Kommunimut pilersaarummut tapiliussami immikkoortup ilaa 3E5 iluarsineqarpoq, mittarfiliornissamut atatillugu nunaminertamik qaartiteriffissamik pisariaqartitsisoqaqqinnera pissutigalugu. Immikkoortup ilaata 4B4-p iluarsineqarpoq, tamaani qaartiteriffiginissaanut nunaminertamik atugassiisoqarmat. Tamatuma kingunerisaanik immikkoortut ilaat 4D2 aamma 4D9 iluarsineqassapput.

Nuummi mittarfiup allineqarnissaanut atatillugu pilersaarutit pioreersut aamma Atlantikoq qulaallugu timmisartunut mittarfissap illutassai pillugit pilersaarutit tunngavigalugit Kommunimut pilersaarummut tapiliussaq Nuuk Airport suliarineqarpoq. Pilersaarummut tapiliussamut siullermut sanaartorfissat ilanngunneqarnikuupput, taakkunani timmisartoqarfiup illutassaa, iluarsaassisarfik, timmisartut illutassaat allallu sanaartorneqarsinnaassallutik.

Siunertat taakkua kommunimut pilersaarummut tapiliussami matumani aalajangiusimaneqarput. Immikkoortup ilaani B-mi kommunimut pilersaarutit tapiliussami siullermut tapiliussatut nunaminertamik atugassiisoqarpoq qatserinermi sungiusartarfimmut, orsussamik tigooraavimmut aammalu siunissami biilnut uninngatitsisarfissamut sillimmatissamik.

Kommunimut pilersaarummut tapiliussami ilanngullugit inissaqartinneqassapput, timmisartoqarfiup avannamut kujammullu tallissutaanut uiggiullugit qullersuit timmisartut tikikkiartoreranni ersarissaatit 420 meterisut takitigisumi.

Suliaq Sanarfinermut Avatangiisinullu Ataatsimiititap septembarip 09-ni 2020-mi ataatsimiinnerani oqaluuserineqarpoq, ataatsimiititallu inassuteqaat akuersissutigaa suliarlu inaarutaasumik akuersissutigisassanngorlugu Aningaasaqarnermut Inuussutissarsionermullu Ataatsimiititamut kiisalu Kommunalbestyrelsimut ingerlateqqillugu.

Suliaq Aningaasaqarnermut Inuussutissarsionermullu Ataatsimiititap 23.septembari 2020-mi ataatsimiinnerani oqaluuserineqarpoq, inassuteqaatigineqartoq ataatsimiititamit akuersissutigineqarpoq suliarlu Kommunalbestyrelsimut aalajangiiffigisassanngorlugu ingerlateqqinneqarluni.

### **Inassuteqaat**

Aningaasaqarnermut Inuussutissarsionermullu Ataatsimiititap Kommunalbestyrelsimut inassuteqaatigaa:

- kommunimut pilersaarummut tapiliussaq 3E5-4, Nuuk Airport inaarutaasumik akuersissutigineqassasoq

## **Suliassamik saqqummiussineq**

Nuuk Airportimut kommunimut pilersaarummut tapiliusseq pilersaarummik allannguuteqartitsineq tunngavigalugu suliarineqarpoq, matumani kommunimut pilersaarummut tapiliussami iluarsisuteqarfigineqartariaqarmat ilassuteqarlunilu. Allannguutit pingaarnerit tassaapput.

### Immikkoortup ilaata killeqarfia:

Immikkoortup ilaa 3E5, 295,1 ha-niit 296,7 ha-nut allineqassaaq. Tamatumunnga pissutaavoq mittarfiliornissamut atatillugu 3E5-imi nunaminertamik qaartiteriffissamik pisariaqartitsisoqarnerulernissaa. Immikkoortup ilaata killeqarfia aamma immikkoortup ilaani 4B4-mi nunaminertamik qaartiteriffissamik akuersisoqarneranut naleqqussarneqassaaq.

Taamaasillutik immikkoortut ilai 4D2, 4D9 aamma 4B4, imatut iluarsineqassapput:

- 4D2 – nunaminertaq 181,5 ha-miit 180,2 ha-mut iluarsineqassaaq
- 4D9 – nunaminertaq 15,2 ha-miit 14,7 ha-mut iluarsineqassaaq
- 4B4 – nunaminertaq 16,3 ha-miit 16,6 ha-mut iluarsineqassaaq

### Qullersuit timmisartut tikikkiartorneranni ersarissaasussat:

Timmisartoqarfiup avannamut kujammullu tallissutaanut uiggiullugit qullersuit timmisartut tikikkiartorneranni ersarissaatit tulleriissaarneqarnerat 420 m-isut takissuseqassaaq. Tamanna Angallannermut Aqutsisoqarfimmit piumasaqaataavoq.

### Immikkoortup ilaa B:

Immikkoortup ilaanut B-mut qatserinermi sungiusartarfik, orsussamik tigooraavik aammalu siunissami biilnut uninngatitsisarfissamut sillimmatissaq immikkoortitsiffigissapput.

Nuummi mittarfiup allineqarnissaanut atatillugu pilersaarutit pioreersut aamma Atlantikoq qulaallugu timmisartunut mittarfissap illutassai pillugit pilersaarutit tunngavigalugit Kommunimut pilersaarummut tapiliusseq Nuuk Airport suliarineqarpoq.

Pilersaarummut tapiliussassatut siunnersuummi matumani sanaartorfissat immikkoortinneqarput, tamaani sananeqarsinnaanngorlugit timmisartoqarfiup illutassaa, sullissiveqarfik, timmisartunut inissiisarfik allallu illussanik titartaasartunik unammisitsinermi naammassereersumi ajugaasut COWI ZESO Architects suleqatigalugit titartagaat tunngavigalugit. Immikkoortut ilaannut B-mut aammalu E-mut sanaartorfissanik immikkoortitsisoqarpoq. Immikkoortup ilaanut B-mut siullermut sanaartorfissat ilanngunneqarnikuupput, taakkunani timmisartoqarfiup illutassaa, iluarsaassisarfik, timmisartut illutassaat allallu mittarfimmut tunngassuteqartut sanaartorneqarsinnaassallutik. Immikkoortup ilaa E imeqarfiliassamut atugassiissutigineqarpoq attaveqaatit tassunga atasut ilanngullugit. Siunertat taakkua pilersaarutit siunnersuummi matumani aalajangiusimaneqarput.

### *Aaqqiissutissatut siunnersuut – suliartigut naliliineq*

Ingerlatsiviup nalilerpaa, pilersaarummut tapiliusseq timmisartoqarfiup allineqarnissaanut ineriartortitsinissamut pitsaasumik tapersiisoq. Taamaasilluni timmisartoqarfiup illutaani, sullissivimmi, hangarini taakkulu biilnut unittarfissaannik il.il. sanasoqarnissaanut periarfissaqalissaaq. Qaartiteriffissap allineratigut ingerlatsiviup siunnersuutigaa, siunissami

inuussutissarsiuqeqarfiorfissanik pilersitsisoqassasoq, immikkoortoq tamanna inuussutissarsiuqeqarfioreersumut uiggiullugu ajunngilluinnarmat. Ingerlatsiviup nalilerpaa taamatut ineriartortitsineq Nuup illoqarfiata ineriartortinneqarnissaanut iluaqutaajumaartoq. Aamma taamaappoq immikkoortup ilaani E-mi imeqarfiliassat pilersaarummi, Nuummi kissarneqqortuunnguamiittup matuneqarnissaa periarfissaalissalluni, taamaasillunilu illoqarfimmi inissialiorfissat amerlisinneqassallutik.

#### *Aningaasatigut sulisoqarnikkullu naliliinerit*

Kommunimut pilersaarummut tapiliussamik suliaqarneq aningaasaqarnikkut kinguneqassanngilaq.

#### *Inatsisitigut tunngavissaq allakkallu tunngaviusumik uppersaatitallit*

- Pilersaarusiorneq aamma nunaminertat atorineqartarnerat pillugit Inatsisartut inatsisissaat nr. 17, 17. november 2010-meersoq aamma
- Inatsisartut inatsisaa nr. 34, 9. december 2015-imeersoq
- Kommunimut pilersaarut digitaliusoq [www.sermersooq2028.gl](http://www.sermersooq2028.gl)

#### *Ingerlariaqqinnissaq*

Kommunimut pilersaarummut tapiliussap inaarutaasumik akuersissutigineqareernerata kingorna, malittarisassallu taaneqartut malillugit pilersaarut malillugu sumiiffik ineriartortinneqassaaq.

#### **Aningaasaqarnermut Allatseqarfimmit oqaaseqaatit**

Pisariaqanngilaq.

#### **Innuttaasunik peqataatitsineq/attaveqatigiinneq**

Kommunimut pilersaarummut tapiliussaq sapaatit-akunnerini arfineq pingasuni tamanut tusarniaassutigineqareerpoq.

Piffissami tusarniaaffiusumi tusarniaanermut akissutit tallimat tiguneqarput, taakkulu aaqqissuisoqarfimmi oqaaseqatigiinnik annikitsunik allannguuteqartitsinermik kinguneqarput. Kommunimut pilersaarummut tapiliussaq inaarutaasoq tamanut saqqummiunneqassaaq kommunimut pilersaarummut nittartakkami uani [www.sermersooq2028.gl](http://www.sermersooq2028.gl).

#### **Ingerlatsivinnit allaniit oqaaseqaatigineqartut**

Pisariaqanngilaq..

#### **Siusinnerusukkut aalajangiinerit:**

*Sanarfinermut Avatangiisinullu Ataatsimiititap aalajangenera 04. maaji 2020-meersoq:*  
Inassuteqaat akuersissutigineqarpoq.

*Aningaasaqarnermut Inuussutissarsiornermullu Ataatsimiititap aalajangenera 14. maaji 2020-meersoq:*

Inassuteqaat akuersissutigineqarpoq.

*Kommunalbestyrelsip aalajangenera 09. juuni 2020-meersoq:*

Inassuteqaat akuersissutigineqarpoq..

*Sanarfinermut Avatangiisinullu Ataatsimiititap septembarip 09-ni 2020-mi aalajangiinera:*

Inassuteqaat akuersissutigineqarpoq.

*Aningaasaqarnermut Inuussutissarsiornermullu Ataatsimiititap aalajangenera ulloq 23.septembari 2020-meersoq:*

Inassuteqaat akuersissutigineqarpoq.

**Ilanngussat**

1. Tusarniaanermut akissutinik suliaqarneq
2. Tusarniaanermit akissutit
3. Kommunitum pilersaarummut tapiliussaq, 3E5-4, Nuuk Airport